

Ukufuma Kwa Citatu

kusokolola 18:4, “Kabili naumfwile ishiwi limbi lya mu mulu, lileti, Fumenimo muli wene, mwe bantu bandi, epali mwawilako mu membu shakwe, epali mwakumako ku finkunka fyakwe.”

Lesalele mu nshiku sha kufuma, Ena aitle ibumba kabili ukufuma muli lilye bumba...Ndefwaya imwe ukumona icintu cimo. **Ena asendele fye babili, abo abaile mu mpanga ya bulayo** (*Impendwa 32:6-12; Yoshua 14:6-15*). Ni cinshi ico Ena asalile ukubasendelako ukubafumya? Ifikansa fya calo? Akabungwe? **Ena asalile kasesema ne cishibilo icakupapusha ca Ntumba ya Mulilo**, pakutula abantu bepange cilubo (*Ukufuma 3:1-10*). Ifyo kasesema asosele cali Icine. **Lesalele mu Ntumba ya Mulilo no kuishininkisha Umwine, alangishe Icebo Cakwe.** Cilya cishinka?

Cilya e co Ena aleteleko ukufuma Kwakwe kwa ntanshi. Ukufuma Kwakwe kwa cibili...**Lesalele lyonse endela muli fitatu.** Ena apwililika muli fitatu. Imwe bonse mulamona; **cena lyonse caba fitatu na cinelubali.** Cinelubali yaba ukupwishisha. Fitatu caba ukupwililika Kwakwe. Ukwa Ntanshi, ukwa Cibili, kabili **Ukutinta kwa Citatu** kabili owe, fyonse, ifintu fyonse. Mwamona? Ukulungamikwa, ukushishiwa, ulubatisho lwa Mupashi wa Mushilo; Taata, Mwana, na Mupashi wa Mushilo, ifintu fyonse. Mwamona?

Moneni, **ni cinshi ico Ena acitle mu kufuma kwa ntanshi? Ena atumine kasesema uwasubwa ne Ntumba ya Mulilo, kabili Ena aitle abantu ukubafumya. Kulya kwali ukufuma Kwake kwa**

ntanshi. Kabili ilyo inshita yakwa Israele ya kumene, Ena atumine nakabili Lesa-Kasesema ne Ntumba ya Mulilo. Yohane ali mwene Yena ukwika ukufuma ku mulu nge nkunda (*Yohane 1:29-34; Yohane 16:28*). Kabili Ena atile, “Ndeya kuli Lesa, kabili ndebwelela kuli Lesa.”

Panuma ya mfwa Yakwe, ukushikwa, no kubuka, Sauli wa ku Tarsus, mu bulendo bwakwe ukuya ku Damaseke, **amwene ilya ine Ntumba ya Mulilo.** Kabili wene pakuba umu Hebere, uwasambilishiwa bwino mu Cebo, atile, “Shikulu, nimwe bani?” **Ena aliishibe cali ni Shikulu, ilya Ntumba ya Mulilo.** Ena ali umu Hebere. Atile, “Nimwe bani?” (*Imilimo ya Batumwa 9:1-8*).

Kabili Ena atile, **“Nine Yesu.”**

Kabili pano Ena alaile icintu cimo cine mukufuma mu nshiku shakulekelesha, kabili Ena teti apilibule cena (*Malaki 4:5-6*). Kabili ne cishininkisho ca science, ku bunte bwa Mupashi, ku milimo ya Mupashi, **tulemona cena ilelo, ikalamba Ntumba ya Mulilo ukwenda pakati kesu.** Kabili ifishibilo ne fipapwa fya kubuka kwa kwa Yesu Kristu **ukwita abantu ukufuma mu bwina filonganino ukubaleta mu Mulola wakwa Yesu Kristu ukwikalamo; ukuya ku calo.**

Takuli icilubo, mwe fibusa; te cilya ico ndesosa; ndifye munyinenwe; lelo ni cilya ico Lesa aleshininkisha kuli imwe, ico icilenga cena ukuba lcine. **Imo ine Ntumba ya Mulilo Ena abomfeshe kuli kulya kubili, Ena naleta yena mukati kenu ilelo no kushininkisha Yena ku fya science.**

Ngefyo mwaishiba, “Life” magazine yabikile cena mulya, ²uko ikumbi ba mailoshi amakumi yabili na

mutanda ukusansama mu mipangilwe ya pyramid: **ba Malaika cinelubali** ukwimininako mulya no kubweshwa, no kumiletela imwe Icebo cakwa Lesa, mu kuputwamo no kumweba aya ama ora ayo muleisako no kwikalamo. Umutima wa bumupashi uli no kumona cilya ino ine nshita no kucipokelela. **Kwena kufuma. Tuli no kuya bumo muli ishi nshiku.** Ukutotela kube kuli Lesa.

Nomba, shonse inkama sha kulungamikwa, ukushishiwa, ulubatisho lwa Mupashi wa Mushilo shali londololwa. Nomba, cilesenda filya ifyasalangana ifyo ifya fiswa mu Fikakatikilo Cinelubali; te nkuta cinelubali, Ifikakatikilo Cinelubali fyasokolwele Ifyankama.

Moneni, Ntumba ya Mulilo iyo iyabetile, yabatungulwile ku mpaanga ya bulayo (*Ukufuma 13:21-22*) mu kusubwa kwa kwa kasesema. **Ntumba ya Mulilo iyo balelolekeshapo, yabatungulwile ku mpaanga ya bulayo kuli kasesema uwasubwa** (Mose). Kabili bena lyonse balemukana. Bushe cilya cishinka? Mucine.

Moneni cena, **ifwe tuli mubwite bwa kufuma. "Fumenimo mu Babylon, mwe bantu bandi,"** efyo ishiwi lya kwa Malaika lyasosele (*Ukusokolola 18:4-5*). Ukufuma kuli cinshi? Icimfulunganya.

Bushe ba Methodist bali abalungama? Atemwa ba Baptist? atemwa ba Katolika? Fumenimo muli cena. **Lesa ali uwalungama.** Musangonshi mwaishibilamo? "Leken i shiwi lya muntu onse libe ilya bufi ne Lyandi libe ilya Cine." (*Yohane 17:17*). Fumenimo muli cena. **Ni cinshi mwaishiba? Ntumba ya Mulilo imo ine,**

kumo kwine ukusubwa kwa Mupashi ukutungulula ku mpaanga ya bulayo.

Moneni, ukubatungulula, ali bafumishe, **abatungulwile ku mpaanga ya bulayo, Israele, inko;** kabili Lesa umo wine, imo ine Ntumba ya Mulilo...

Nga imwe mwalisalwa, ilye Mbuto iponena pa mushili uwauma atemwa pa mabwe, tayakacite nangu cimo. **Iyakosa, imitima ya mabwe iyo ifwaya ukuba iyafikansa, lelo nga Yena ili no kuponena pa mushili wa limbwa uwanaka uwa citetekelo, Yena Ili nokuleta Umwinakristu, ukutwala ifisabo fya Mupashi** (*Mateo 13:1-8, 18-23*).

Moneni, ifyo kutila Lesa acitile cilya. Nomba, Ena nakwata ilya ine Ntumba ya Mulilo; iyo yashininkishiwa. Umo muntu atile, “Mulandunshi teti uye mukubeba balya aba science pali cilya?” Bushe muletontonkanya kuti bacetekela cena? “Mwiposela ba magari benu kuli bakapoli.” Yesu atile tamulingile ukucita; nshikwete ubutungulushi ukucita cena. Lelo nomba ukwikala uwalungama mu musumba mulya, uko baleita pali kwenya. Natontonkenye kuti naya kulya, kabili Umupashi wa Mushilo watile, **“Wiyako. Te kuli bena.** Bwelelamo no kuyaeba Tabernacle.”

Nomba, **ndefwaya imwe ukumona, iyi imo ine Ntumba ya Mulilo iletungulula, abantu nakabili ku mpaanga ya bulayo, millenium, uko tulesanga ukupitila mu kuputwa kwa ici Cikakatikilo ca Mutanda, cilya tacatala sambilishiwapo, ifyo isonde lilingile ukusangululwa pa mulandu wa millenium. Ntumba ya Mulilo ilebatungulwila kuli millenium** (*Esaya 65:17-25*). [1]

Mupashi wa Mushilo mu musango wa Ntumba ya Mulilo, Lesa ukwikila mu kumonekela aletele ukufuma kwa ntanshi kabili afumishe Israele mu Egupti. **Ukufuma kwa cibili kwali ni Kristu ukuleta ulukuta ukufuma muli buYuda.** Kabili ukufuma kwa citatu ni lilya ilyo Ntumba ya Mulilo imo ine **ilesenda Nabwinga ukufuma mu lukuta.** Mwamona? **Ukufuma mu ca cifyalilwa, ukufuma mu ca bumupashi, kabili ica bumupashi ukufuma mu lukuta, fitatu, kabili elyo tulesenda inshita shitatu sha cena.** [2]

Lolekesheni kuli Malaika wakwa Shikulu mu Ntumba ya Mulilo. Abafwailisha aba science balitwala cena mwi sonde, **ukwishiba ukutila bali no kupingulwa kuli yena.** Ulya Malaika wakwa Shikulu, **uyo uwali ni Kristu...**

Nikwisa uko ilya Ntumba ya Mulilo ya batwele? Nomba, ibukisheni, Mose tali ni Ntumba ya Mulilo. **Ena ali ni ntungulushi iya subwa muli ilya Ntumba ya Mulilo, kabili Ntumba ya Mulilo yashininkishe fye imbila yakwe ne fishibilo ne fipapwa.** Kabili ilya Ntumba ya Mulilo yabatungulwile ku mpaanga ya bulayo uko Lesa abalaile, uko Ena, Umwine, akalengwa mu buntunse mukati kabo ubushiku bumo (*Yohane 1:1-3, 14-16*). Bushe cilya cishinka? Ni cinshi ico bacitile? Ukwilishanya no kuisosha ne fintu ifyashala ukulangisha fyali pesamba Iya mulopa wa mwana wa mpanga.

Lelo iyi nshita, Ntumba iyo tumona pakati kesu, **Ntumba ya Mulilo ili no kutungula ifwe kuli Millenium, uko Ena akasebwela ku bantu Bakwe muli kulyo kuteka ku kalamba kwa millenium panumā ya uku kufuma, uko tukekala umuyayaya**

pamo Nankwe (*Sakaria 14:16-21*). Ena lyonse alikwata Icebo cakwa Taata, lyonse alashininkisha ukutla cena cali lungama.

Ifwe tuli mu kufuma, owe, mwe fibusa, mwe ba munyine, bonse mwebali muno na abo abakomfwa amatepu, lekeni ine nga munyinenwe kabili umwikashi wa Bufumu bwa kwa Lesa, iseni muli uku kufuma. Pantu bonse abakashala bakapokelela ululembo lwa ciswango (*Ukusokolola 13:16-18*). Fumeni mu Babylon; fumenimo muli ici cimfulunganya; fumenimo muli iyi imibombele no ku bombela Lesa wa mweo. Kabili lekeni uyu mkalamba Malaika wa Cipangano, Yesu Kristu mu musango wa kwa Lesa, tacimwene ukuba icakusompola ukupalana na Lesa...(*Abena Filipi 2:5-11*). Nomba, Ena ni Ntumba ya Mulilo mu cipasho cimo cine ifyo Ena ali kulya kunuma mukutendeka ukuleta kulya ukufuma kwa ntanshi, ukuleta ukufuma kwa cibili, kabili pano Ena ali no kufuma kwa citatu.

Ukufuma kwa ntanshi, nicinshi ico Ena acitile? Ena ali baletele ukufuma mu mpaanga ya cifyalilwa ukwisa ku mpaanga ya cifyalilwa. Ukufuma kwa cibili, Wene aba fumishe ukufuma ku mibele ya bumupashi ukubaleta mu mibele ya bumupashi ya lubatisho lwa Mupashi wa Mushilo. Nomba Ena alebaleta ukufuma ku lubatisho lwa bumupashi lwa Mupashi wa Mushilo, ukubwelela fye mukati ka calo ca muyayaya ca millennium ne capulishamo panuma ya ici. Ntumba ya Mulilo imo ine ukusubwa kwa mibombele imo ine, Lesa umo wine ukucita ifintu fimo fine, kabili Icebo cimo cine calangishe ukwa ntanshi, calangishe ukwa cibili. Icebo cimo cine

calangishe ukwa cibili no kulangisha ukwa citatu, kabili pano tuleimona pakati kesu.

Fumeni! Owe, fumeni umu mucimfulunganya! Iseni kuli Lesa uwa mweo! Iseni ku Cebo! *“Kabili Icebo calegelwe ubuntunse no kwikala mukati kesu”* (Yohane 1:14-18). **Kabili nomba, Ena ali mu mibili yesu, ukwikala mukati kesu. Fumenimo no kubombela Lesa uwa mweo!** (1 Abena Tessalonika 1:9-10). [1]

Kabili nomba, mukati ka nshiku ilyo kuli icimfulunganya iciingi ne fintu, nalyo line, Lesa lyonse alailangisha Umwine. Nomba, tulesanga ici, kabili ifyo caba icintu ica bukata nganshi cena cili ukwishiba ukutula ili hema lya pa nonse, **ubushiku bumo uyu mubili uwakale uo ifwe tulwala no kucushiwamo, bukapilibulwa no kulengwa ngo mubili Wakwe wa bukata** (Abena Filipi 3:20-21). Lyena tukamumona wene ngefyo Ena aba no kuba pamo Nankwe mu calo uko tuleya ilelo (1 Yohane 3:1-3). Owe, mupepi ciletulenga ifwe nga abalaiminina no kwimba, “Ndeya ku Calo ca Bulayo.” [3]

Umwakumona:

[1] “Ukufuma Kwa Citatu” (63-0630M), pg.40-45

[2] “Bushe Ubumi Bobe Bwaliyana Ne Mbila Nsuma” (63- 0630E), par. 28

[3] “Ukupelo Mulandu” (63-0707M), pg. 9

Ilibwe Ilya Kukulilako Ilya Bumupashi No. 128 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma

Buku natumbi lembeleni kuli ba Emmanuel Believers
Fellowship P.O. Box 440185, Isoka. Cell No.
0966402048/ 0974367607

Kuleisa umo ne Mbila iyo ya tonta fye pali Baibele,
kabili umulimo uwa mulubilo ukashinguluka isonde.
Imbuto shikaya mu mapepala ye lyashi, mufya
kubelenga, mpaka imbuto yonse iyalingilwa libela
iyakwa Lesa ikomfwe Yena. (Munyina Branham mu,
Conduct-Order-Doctrine“, page 724]